

German Castaño di The Blue Lobster

“Trabao duro no ta spanta nos”



ORANJESTAD – “Trabao duro no ta spanta nos”. Esey ta palabranan di propietario di The Blue Lobster, sr. German Castaño. E ta sigui splica cu nan ta tur ta super orguyoso di ta Arubiano, y mas ainda di ta parti di e progreso di nos bunita isla ARUBA, caminda cu tur nacionalidad ta bin hunto pa traha y cada dia mas y mas trece e bon number di ARUBA mas halto, tanto den nos comunidad local como na nivel internacional.

E ta bisa: “Hopi otro isla ta gaba con ARUBA a bay dilanti cu relacion na 25 aña pasa, con e desaroyo di su infraestructura a bay den man cu e crecemento di nos turismo y ademas e posibilidad di un bida miho pa nos yiunan cu a haya chens di studia y bira profesional den hopi

diferente campo. Ta bunita pa wak atras y mira kico nos cu ta grandi caba a laga atras pa nos generacionnan nobo. Sinembargo mester mira cu tin hopi comerciante, ya sea cu trayectoria largo of cu recientemente a subi e arena competitivo, den e Mercado limita disponibel pa nan por sigui crece y o pa por mantene nan negoshi den un situacion financiero saludable. The Blue Lobster Restaurant ta un ehempel di esunnan cu recientemente a subi areanan competitivo y aunke tin mas cu 1.8 miyon di turista bishitando nos bunita Isla, sinembargo mester traha basta duro pa logra su obhetivo. Pero manera Sr. German Castaño ta bisa “trabou duro no ta spanta nos” basta tur cos bay cu honestidad, cu seriedad y cu hopi cariño pa lo cual bo ta haci semper lo bo

prevalece. Blue Lobster su C.E.O despues di a traha mas cu 20 aña den e area di timeshare, y di a train mas cu mita di e miho bendedonan di timeshare na Aruba y di ta un dje pioneronan di benta di timeshare terciendo pa Aruba miles y miles di clientenan cu te awor aki ainda nan ta bini pa disfruta di nan vacacion y cu ta sigui contribui inmensamente na nos economia. Ta wak esaki como un logro personal y un contribucion inmenso pa cu e comunidad... Pero ademas e C.E.O sr. Castaño, kier a sigui contribui pa medio di a lanta The Blue Lobster Restaurant pa asina garantisar cu su contribucion ta sigui t’ey presente. No ta secreto cu den solamente dos aña y mey The Blue Lobster a gana premionan internacional manera Certificado di Excelencia di

Trip Advisor, pa 2012, y 2013, tambe a gana The Best Of Aruba Award pa 2013/2014. Ademas a wordo inclui den e lista di 10 miho riba un otro website manera Trip Advisor. Esakinan ta logro cu ta bini dor di clientenan satisfecho cu ta pone nan bon comentario na e websitenan aki. Ta momento pa bisa danki na tur nos clientenan local, danki pa nan apoyo permanente, den tempo bon y tempo malo, semper nos clientela local a sa di duna The Blue Lobster su sosten incondicional masha danki atrobe, Castaño ta bisa. The Blue Lobster a wordo notifica oficialmente cu a bira ganado atrobe di e certificado di excelencia pa aña 2014 for di trip advisor y di The Best of Aruba Award pa 2014/15. The Blue Lobster ta den e curason di hopi di nos hendenan local, door cu semper tabata tin den mente cu e cli-

ente local t’ey no solamente den low season, pero tambe den HIGH season, por lo tanto The Blue Lobster semper a mantene ofertanan special cu cuminda di un calidad halto y un servicio excepcional pa nos clientenan di Aruba. Awor aki mes culminando diadomingo 25 di mei[2014, The Blue Lobster ta bay cuminsa cu un menu nobo na un prijs hopi atractivo, e menu aki ta consisti di entrada, plato principal, dessert y cu minimo dos plato principal The Blue Lobster ta regala un boter di biña pa cada mesa. Platonan Arubiano ta domina den e menu aki, esaki ta bay ta valido TUR DIA PA LUNCH y diadomingo ta valido pa lunch y dinner. Hunto nos ta sigui bay dilanti te cu The Blue Lobster logra su obhetivo principal, cu ta pa bira e restaurant favorito di nos comunidad Arubiano.”